

ŽIVOT & OSTALO: SIVA MASA



Kassalova planina majka

Planina... to je majka, moja prva i druga mati... to je stalna želja da joj sjednem u krilo... da je mirišem, da je osjetim, da me upozna sa svojom dirljivom ljepotom... da me uči svojim iskustvom od milijarde godina, da mi kad se izgubim u betonu, asfaltu, plastici i sintetici, opet pokaže put i svoju veličinu. Planina je osjećaj da utopija, ipak, postoji. Ko je bio Julijus Pojman? Ko su zonzoni? Ko je stariji - kuća ili čovjek? Ne treba ništa objašnjavati, treba samo gledati!

Autor: Dinno Kassalo. Emitiranje: BHT1, srijeda, 11. novembra, u 17.45 sati.

Serijski za mlade BHT-a

Debate o debatama

Nakon Svjetskog foruma mladih 2009, održanog na Jahorini, organizator i domaćin ovog eminentnog skupa Centar za kulturu dijaloga, u saradnji sa redakcijom programa za djecu i mlade BHT-a, nastavlja sa tv-debatama o globalnim temama sa ovog takmičenja, koje pogađaju i naše društvo. O nasilju prema čovjeku i prirodi treba stalno razgovarati i upozoravati, zato ćemo u svakoj emisiji čuti šta misle mladi iz svijeta, ali i iz naše zemlje o debati, mladima u sukobu sa zakonom, klimatskim promjenama. U šest debata, od kojih će prve tri biti emitovane u novem-



bru (8, 15. i 22. 11), a druge tri u decembru, svoje stavove će ukrstiti dvije debatantice: Anja Gengo i Tijana Ljuboje, studentice prava. Profesorica Sanja Vlaisavljević je moderator, a svoj stav će iznijeti i gost prve emisije Lejla Lilić, diplomirana pravica, bivša debatantica iz Bihaća.

HAYD U PARK

Volontirati ili ne?

U osmoj emisiji treće sezone „Hayd u park“ FTV-a u utorak, 10. novembra, u kasnih 23.30 sati se može pogledati: Lokalni volonterski servis u Tuzli, ko na današnjem vaktu još volontira i zašto; Pionirski poduhvati mladih u Gračanici, kako napraviti omladinski centar?! O volonterizmu, perspektivama mladih i svih ostalih u BiH govori Sabiha Rekić, Fondacija tuzlanske zajednice i drugi... I naravno, stalna rubrika, Zoran Čatić, urednik EFM radija, o politici kroz poljoprivredu.

BHTO

OSVJEŽENJE IZ DUBINA



PRIRODNA IZVORSKA VODA